

Internovas

Informativo electronic del UBI

Julio/Septembre 2009 Nro. 162

INTERLINGUA – Communication sin fronteras. Comprensibile inmediatamente per un milliardo de anglo-romanofonos ! Apprender linguas es cultura, saper interlingua es evolution. Sito eletronic del UBI: www.interlingua.org.br

Internovas deveni trimestral

A causa de grande problemas con le raportos, e le grande manco de personal, INTERNOVAS deveni ora trimestral, isto es, appare a cata 3 menses.

INTERCON

14te INCONTRO BRASILIAN DE INTERLINGUA

Nostre reunion annual occurreva a Castanhal, in le sala del curso de idiomas Yazigi, sub location, le prime de agosto.

Le programma era sufficientemente curte e le majoritate del reunion uno discuteva e scribeva le acta de election del Directorio.

A causa del participation minimal, le nove Directorio ha solmente le Presidente – Ramiro B. de Castro, qui retorna novemente al Presidentia del UBI pro un nove periodo aug 2009 usque aug 2012. Dunque, il manca 2 altere directores: Secretario e Tesorero.

Le nove Presidente spera que altere fortias ab interessatos e interlinguistas se uni a nos pro participar activemente.

Renovation del association

Si vos es interessate a candidatar vos al carga de Director del UBI, uno debe necessariamente repagar le quota annual del association.

Le precios remane le mesme e vos pote consultar los sur nostre pagina domestic, al sito del UBI.

Multe materiales anque jam se exauriva e alora il sera necessari reimprimer qualcunos.

Nos besonia adjuta de tote interlinguista o interessato, a causa que iste materiales didactic interessa a tote nos !!

Le conto bancari del UBI se claudeva a causa del pauc movimentation bancari. Al minus, isto era le motivation que le CEF informava a nos.

Provisorimente jam es providenciate le apertura de un altere conto bancari.

Portugal – nove interessato

Ab Portugal, nostre nation fratre appareva interessato appellate Carlos S.

Nostre communication se face principalmente per medio del interrete e.... in interlingua !

Ille veni de participar del Conferentia International in Germania e esseva admirate del functionamento de interligua.

Nos le ha inviate materiales didactic diverse (tamen manca le vocabularios e dictionarios jam exaurite).

Ille sentiva le necessitate de haber un organisation national portugese. Nos, ex Brasil, appoia integremente iste idea.

No solmente in Portugal sed anque in multe altere paises manca un ver organisation national pro diffunder plus interlingua.

UBI – União Brasileira pró Interlíngua
www.interlingua.org.br

A UBI é uma associação cultural sem fins lucrativos, juridicamente registrada e fundada em 28 de julho de 1990. Tem por finalidades ensinar e divulgar a interlíngua no Brasil.

Redator:
Ramiro B. de Castro
ramiro.castro@pa.trf1.gov.br
Fone: (91) 3712—1959.
Informativo oficial da UBI.
Fundado em janeiro de 1990.